

- 1★ نائِب صدرِ جمہو ریہ جگدیپ دھنکڑ نے اظہا رکیو بے جے نوجواناں غوجوش تے عزم مُلک نانہہ ترقی یا فتنہ مُلک بنن غی راہ ور لے جا ئے گو۔
- 2★ ڈی جی پی آر آر سوین نے ضلع ڈوڈہ غو دورو لا غے امن و قانون غی صورتحال غو جائزو لیو۔
- 3★ موصلاحدار با رش غی وجہ تیں وادی مانہہ اج معطل رہی بے۔
- 4★ اصلاح پسند رہنماپیز شکیان نے ایران غا صدارتی انتخابات مانہہ سخت گیر جلالی نانہہ شکست دے غے اپنی جیت درج کر لی بے۔

خبراں غی تفصیل نال پہلاں محمد آصف لو دہی۔

Vice President

نائِب صدرِ جمہو ریہ جگدیپ دھنکڑ نے کہیو بے جے مہارا مُلک غا نوجوان مُلک نانہہ ترقی آلے پا سے آگے لے جان مانہہ ضروری قردار ادا کریں۔ اُن نے کہیو جے مُلک مانہہ نوجواناں نانہہ ترقی یا فتنہ بنان غو ماحول موجو دے۔ جس خاطر دلچسپی تے بُنر مانہہ بابدو کر سکیں۔ یا د رہ جے نائِب صدرِ جمہو ریہ اج تیرووتم پو رم کیرلہ مانہہ خلاء سائینس تے ٹیکنالوجی با رے بھارتیہ ادارہ غی 12 ویں گریجویشن تقریب غا موقع ور خطاب کر رہیا تھا۔

Mukheerji Tributes

وزیر اعظم نریندرمو دی تے مرکزی وزیر داخلہ امت شاہ نے ڈاکٹر شیامہ پر ساد مکھرجی نانہہ اُن غا جنم تہاڑا ور خراج عقیدت پیش کیو بے۔ سماجی میڈیا غے ذریعے وزیر اعظم نے کہیو بے جے بھارت مانہہ شیامہ پرساد مکھرجی غا حُب الوطنی با رے مضبوط خیالات ور فخر بے۔ اُن نے یوہ وی کہیو جے مُلک غی خاطر ڈاکٹر مکھرجی غی طرفوں دتی گئی قربانی مُلک غی عوام نانہہ متاثر کرے۔ اواں مرکزی وزیر داخلہ امت شاہ نے اپنا اک سنیہا مانہہ کہیو بے کہ جس ویلے وی آپسی اتحاد تے مُلک غی سالمیت غی گل وے تاں ڈاکٹر مکھرجی نانہہ ایسا موقع ور ہمیشہ یا د رکھیو جا ئے گو۔ اس موقع ور جناب شاہ نے یوہ وی کہیو جے ”اک نشان، اک پردھان، اک ودھان“ غی قرار داد غے تحت جموں کشمیر نانہہ بھارت غو اندرونی حصو منان غی خاطر عظیم قربانیاں نانہہ وی یا د رکھیو جا ئے گو۔

DGP Doda

پہاڑی ضلع ڈوڈہ مانہہ ہالیہ تہاڑیں دہشت گردی غا گجھ واقعات با ندے آن تیں بعد جموں کشمیر پولیس غا سربراہ آر آر سوین نے اج ڈوڈہ گو دورو لا گے اُت امن و قانون غی صورتحال غو جائزو لیو۔ اس موقع ور امن و قانون با رے اے ڈی جی پی وجئے کمار، تے جموں زون غا اڈیشنل ڈائریکٹر جنرل آف پولیس آنند جین تے ڈی

جی موصوف نے حالیہ دہشت گردی گو مقابلو کرن آلا پولیس افسراں تے سپاہیاں تے اُن غا کُنباں نال ملاقات کر غے خصوصی گل بات کی ہے۔ اس موقع ور پولیس سربراہ نے جموں کشمیر مانہ دہشت گردی پھیلان با رے پاکستان مانہ ذمہ دار ٹھہرایو ہے۔ ڈی جی پی نے اس موقع ور 7 ایس پی اوز مانہ پولیس کا نسٹیل کیو۔

Kulgam Encounter

ضلع کلگام مانہ دہشت گرداں تے حفاظتی دستاں غے مابین ٹاکرہ مانہ زخمی ہوا فوجی جوان نے اج ہسپتال مانہ علاج غے دوران زخمیاں غی تاب نہ لاتاں واں دم توڑ دتو۔ خبر رساں ایجنسی پی ٹی آئی نے پولیس ذرائع غو حوالو دیتاں واں دسیو ہے جے ضلع کلگام غا ماڈرگام علاقہ مانہ تلاشی کا روائی غے دوران 2 توں 3 دہشت گرد موجود ہون غی اطلاع ہے دہشتگراں تے حفاظتی دستاں غے درمیان گولی با ری غو تبادلہ ہوؤ۔ اس سلسلہ مانہ علاقہ مانہ آپریشن جا ری ہے اور اس با رے مزید اطلاع غی اجوں اُڑیک ہے۔

Gallantry Awards

صدر جمہو ریہ دروپدی مُرمو نے مُلک غے تئیں بہا دری نانہ تسلیم کرتاں واں 36 افراد نانہ بہا دری ایوارڈ سنگ نوازبو ہے جن مانہ 10 نانہ کیرتی چکر تے 26 نانہ شوریہ شکر سنگ نوازبو گیو ہے۔ ان ایوارڈ یافتہ مانہ 5 جموں کشمیر پولیس تیں ہیں جن مانہ 1 وی ڈی سی ممبر وی ہے۔ ان غا ناں اس طرح ہیں سلیکشن گریڈ کا نسٹیل سیف اللہ قادری، ایس پی موبن لال، ایس آئی امت رینہ، ایس آئی فیروز احمد تے پولیس کا نسٹیل ورون سنگھ غے علا وہ راجو ری غا بسنیک وی ڈی سی ممبر پرشوتم کمار قابل ذکر ہیں۔ ان غے علا وہ صدر جمہو ریہ نے ضلع پونچھ غا حوالدار شہید عبدالمجید نانہ کیرتی چکر سنگ نوازبو گیو۔

Hav Abdul Majid

بھارتی فوج غا شہید حوالدار عبدالمجید جنہاں نانہ جاتے تہاڑے صدر جمہو ریہ دروپدی مُرمو غی طرفوں کیرتی چکر ایوارڈ نال نوازبو گیو تھو ور فخر محسوس کر ریو ہے۔ یا د رہ جے شہید حوالدار عبدالمجید سرحدی ضلع پونچھ غا اجوٹ گراں غا بسنیک تھا جھیڑا جے گذشتہ سال ضلع راجو ری غا کالاکوٹ علاقہ مانہ دہشت گرداں نال لڑائی غے دوران اپنا کمانڈراں نانہ بچاتاں واں شہید ہو گیا تھا۔ واضح رہ جے شہید فوجی حوالدار غی ماں اُن غی شہادت ور فخر محسوس کر رہی ہے۔ اس سلسلہ مانہ عبدالمجید غا پوت نے دسیو ہے جے یوہ وی اپنا باپ آروں فوج مانہ پہرتی ہو غے مُلک غی خدمت کرن غو خواہش مند ہے۔ اس موقع ور بولتاں واں شہید حوالدار غا پوت محمد تے اُن غی ماں نے اپنا خیالات کُجھ اس طرح ظاہر کیا۔ بائٹ۔۔۔

ECI Meet

جموں کشمیر یوٹی مانہہ اسمبلی چناؤ کران غی تیاریاں غا سلسلہ مانہہ بھارتی چناؤ کمیشن آئندہ 10 جولائی نانہہ ضلع چناؤ افسران سنگ میٹنگ کریں گا۔ جموں کشمیر غا جوائنٹ سی ای او نے اس با رے نوٹیفکیشن جاری کر غے دسیو بے جے مذکو رہ میٹنگ مجازی طو ر ور منعقد کر غے اہم انتخابی تیاریاں غو جائزو لیو جا ئے گو۔ جن مانہہ ضلع سطح ور سیا سی پارٹیاں، چناوی اندراج افسران، بوتھ سطح غا افسران تے کھر کھر غی تصدیق بارے معاملات ور غور و خوض کیو جا ئے گو۔ یا درہ جے اس دوران ووٹر لسٹ تے رائے دہندگان غا شناختی کا رڈ غی بہتری با رے وی گل با ت کی جا ئے گی۔ اس با رے ضلع چناؤ افسران نانہہ ہدایت دتی گئی بے جے وے حثیتی رپورٹ آئندہ 9 جولائی تک جمع کراویں۔

Health Ministry NEET

انڈر گریجوٹ نیٹ غی کو نسلینگ ملتوی کرن غی خبراں غی تردید کرتاں واں وزارتِ صحت نے دسیو بے جے اجوں کو نسلینگ غی تا ریخ غو اعلان نہیں کیو گیو بے۔ واضع رہ جے یاہ وضاحت سوشل میڈیا ور گردش کر رہی رپورٹ غا سلسلہ مانہہ کی گئی بے۔

یہ خبر تم آکا شوانی جموں تیں سُن رہیا ہیں خبراں غا با قی حصہ نال محمد سفیر۔

Amarnath Yatra

شری امرناتھ جی یا ترا نانہہ گذشتہ رات پہاری با رش بون غی وجہ نال عارضی طو ر ور روک چھوڑیو بے۔ تا جے کسے وی قسم غا قدرتی نقصان تیں بچیو جا سکے۔ مذکو رہ یا ترا جس واسطے جنوبی کشمیر غا پہلگام تے گاندربل غا بالتال تیں رستو جئے موسم خراب بون غی وجہ نال عارضی طو ر ور روک لائی بے۔ جد کہ چاپر خدمات آخری اطلاع لبھن تک جا ری ہیں۔ نوان بنیا دی کیمپ ور 4 ہزار تیں متا یا تری رُکیا وی ہیں۔ پہلک سویرے موسم بہتر بون غی صورت مانہہ یا تریاں نانہہ امرناتھ جی یا ترا واسطے روانہ کیو جا ئے گو۔

Cooperative Day

إمدادِ باہمی با رے مرکزی وزیر امت شاہ نے إمدادِ باہمی با رے عالمی تہاڑا غا موقع ور اس نال جُڑیا تمام لوکاں نانہہ مبارکباد پیش کی بے۔ سماجی میڈیا غے ذریعے ایکن سنہیا مانہہ جناب شاہ نے کہیو بے کہ إمدادِ باہمی با رے مہم لگاتار غریب لوکاں غی زندگی غا رہن سہن غا طریقہ کا ر نانہہ مضبوط بنا رہی بے۔ وزیر داخلہ نے یوہ وی کہیو جے إمدادِ باہمی غی مدد نال مُلک غی معیشت مانہہ ہادو وے نالے گرائیں علاقہ غی معیشت مزید مضبوط وے۔ جس نال مُلک نانہہ ترقی یا فتنہ بنان غو خواب وی مکمل ہو سکے۔

Iran Prez

ایران غا اصلاح پسند تے سابق وزیر صحت سمعود پیر سکیان نے 14 واں صدر انتخابات مانہہ جیت حاصل کر لی ہے۔ انہاں نے اپنا مد مقابل سخت اسلام پسند نظریاتی سعید جلیلی نانہہ شکست دتی۔ یا درہ جے نو منتخب ایرانی صدر نے اپنی چناوی مہم غے دوران اظہار کیو تھو جے وے ملک نانہہ باقی دُنیا واسطے کھولن، معیشت نانہہ بہتر بنان واسطے مغربی ممالک نال جوہری معاملات ورگل بات وی کریں گا اور انہاں نے چین تے روس نال تعلقات گہرا کرن غو وی اعلان کیو تھو۔

Udhampur Injured

اُدھم پور ضلع غا کوٹلی والا پنچایت مانہہ تیز بارش غی وجہ نال اک کچا کوٹھا غا ٹہہ جان نال 3 افراد زخمی ہو گیا ہیں۔ اس سلسلہ مانہہ ضلع ترقیاتی کمشنر اُدھم پور سلونی رائے نے کہیو ہے جے تمام زخمیاں نانہہ علاج غی خاطر پہرتی کرایو گیو ہے نالے محکمہ مال غی اک ٹیم وی نقصان غو جائزو لین غی خاطر روانہ کر دتی گئی ہے تا نچے لوازمات پورا کرن توں بعد ان غی مالی امداد کی جا سکے۔

BSF Jammu

ضلع کٹھوعہ تے اُدھم پور مانہہ بکھ بکھ 2 سڑک حادثاں مانہہ 2 بی ایس ایف غا جوان لقمہ اجل بن گیا ہیں۔ ذرائع نے دسیو ہے جے اے ایس آئی پرشوتم سنگھ عمر 58 سال جھیڑو ہماچل پردیش غو ربن آلو ہے۔ اس ویلے جاں بحق ہوگیو جد ان غی گڈی سڑک تیں تلک غے ضلع کٹھوعہ غا راجباغ غی اوج نہر مانہہ جا پئی تے اُن غے برماہ دو جا 2 ساتھیان نانہہ بچالیو گیو ہے۔ اُوں ضلع اُدھم پور غا چینی نا شری ٹنل مانہہ بی ایس ایف غی گڈی پلٹن غی وجہ نال بی ایس ایف جوان امت کمار سُکلا عمر 30 سال فوت ہوگیو۔

Poonch Helmet

سڑک حادثاں مانہہ قیمتی جاناں غا نقصان غی روک تھام خاطر ضلع انتظامیہ پونچھ نے حکم نامو جاری کیو ہے جے موٹرسائیکل، اسکوٹر وغیرہ چلان آلا اُن افراد نانہہ پیٹرول پمپ وروں بالکل وی تیل نہ دتو جائے جھیڑا ہیلیمٹ غے بغیر ویں۔ اور پیٹرول پمپ غا ذمہ داران نانہہ ہدایت دتی گئی ہے جے وے سی سی ٹی وی نصب کریں جن نانہہ متعلقہ تحصیلدار ہفتہ وار دیکھیں گا۔ عوام نے اس قدم غی سراہنا کی ہے اس بارے آکا شوانی غا نمائندہ انوبہو مصری نال گل کرتاں واں گجھ مقامی افراد نے اس طرح کہیو۔۔۔ بائٹ۔۔
